



**D<sup>a</sup>. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 9 de xullo de 2020**, adoptou o seguinte acordo:

**18.- PROPOSTA DO PROGRAMA “VIGO EN FESTAS” PARA O ANO 2020. EXPTE. 8474/335.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Visto o informe xurídico de data 8/07/2020, dáse conta do informe-proposta do 7/07/2020, asinado polo xestor técnico dos expedientes de Festas (Resolución de data 17/06/2020) e a concelleira-delegada de Festas, que di o seguinte:

**LEXISLACIÓN APLICABLE**

- Lei 7/1985, do 2 de abril, reguladora das bases de réxime local
- Lei 40/2015, do 1 de outubro, do réxime xurídico do Sector Público (LRXSP)
- Lei 19/2013, do 9 de decembro, de transparencia, acceso á información pública e bo goberno.
- Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locales (ROF)
- Resolución de 12 de xuño de 2020, da Secretaría xeral técnica da Consellería de Sanidade, sobre medidas de prevención necesarias para facer fronte á crise sanitaria ocasionada unha vez superada a fase III do Plan para a transición cara a unha nova normalidade, modificada pola Resolución de 25 de xuño de 2020.

**CONSIDERACIÓNS XURÍDICAS**

De conformidade cos artigos 25.1. e 25.2.m da Lei 7/1985, de 2 de abril, reguladora das bases do réxime local, e cos artigos 80.1 e 80.2.n da Lei de Galicia 5/1997, de 22 de xullo, de administración local de Galicia, os municipios poderán promover e realizar actividades culturais.

O artigo 25.1 da Lei 7/1985 determina que o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal e conforme o paragrafo segundo de dito artigo o municipio exercerá competencias propias.

É por isto que dentro da planificación das políticas públicas, como clave da xestión pública e coa fin de dotar maior transparencia e publicidade, propónse a elaboración dun Programa do Servizo de Festas, de actividades para o terceiro trimestre de 2020, como documento que recolla de forma sistematizada todas aqueles actos que o conforman e que, unha vez publicitado, permita aos interesados ter una visión global do mesmos.



## ANTECEDENTES DE FEITO

A Xunta de Goberno Local, na sesión ordinaria do 06 de febreiro de 2020, aprobou o “**Plan de dinamización e desenvolvemento do servizo de Festas: Liñas estratéxicas básicas de actuación no período 2020-2023**” (expediente 8385/335), que recolle os cinco obxectivos do Servizo de Festas e traza as liñas estratéxicas básicas e que son os/as seguintes:

### Primeiro.- OBXECTIVOS:

**Obxectivo 1.-** *Garantir unha oferta sociocultural completa e de calidade para a cidadanía que converta a Vigo nun centro de referencia de ocio e traslade ao exterior unha imaxe de cidade moderna, dinámica e participativa, así como un lugar de referencia de celebración de grandes eventos.*

**Obxectivo 2.-** *Conseguir a través da programación de actividades socioculturais una acción transformadora do municipio, cara á consecución da mellora da súa calidade de vida. Así como o fomento de valores sociais e culturais na cidadanía, a través da difusión da nosa identidade cultural e da nosa historia.*

**Obxectivo 3.-** *Favorecer a cooperación entre o sector público e as entidades sen ánimo de lucro no desenvolvemento de programas de actividades de animación sociocultural, de festas tradicionais e patronais que complementen e/ou suplan aquelas de competencia municipal coa fin de apoiar e fortalecer o tecido asociativo.*

**Obxectivo 4.-** *Favorecer o apoio a actividades organizadas por entidades sen ánimo de lucro ou entidades privadas que sexan de interese xeral e complementen a programación sociocultural municipal.*

**Obxectivo 5.-** *Xestión e mantemento dos espazos vinculados ao servizo.*

*Tendo en conta os obxectivos do Servizo desde o Servizo de Festas se deseñaron as liñas estratéxicas básicas de actuación orientadas a dar resposta as necesidades e demandas da cidadanía en xeral e acadar os anteditos obxectivos básicos:*

**A liña estratéxica 1 : Deseño, desenvolvemento, xestión e execución da programación propia anual está dirixida a cobertura a consecución dos obxectivos básicos do servizo de Festas números 1 e 2 a través do desenvolvemento, xestión, execución e seguimento dos diferentes programas e actividades festivas, socioculturais, de lecer e tempo libre que garantan unha oferta sociocultural completa, de calidade e que contribúan á dinamización sociocultural e fomenten a participación dos cidadáns durante o período 2020-2023. Dentro desta liña se atopa a Programación “Vigo en Festas” que se desenvolve de xeito anual entre o 15 de xullo e o 15 de agosto e está destinado á cidadanía xeral con actividades deseñadas para cada unha das modalidades de público obxectivo (infantil, familiar e adulto). Este programa é o mais ambicioso da programación anual do Servizo de Festas tanto pola súa duración como polo orzamento destinado ao seu desenvolvemento.**

*O programa de concertos e espectáculos nacionais e internacionais celebrados no Auditorio ao aire libre de Castrelos é o que aglutina un maior número de público e conleva un maior esforzo organizativo, administrativo e orzamentario.*

*Dentro do mesmo período organízanse ademais todo tipo de actividades infantis (obradoiros, espectáculos, concertos), danza urbana, festivais e actuacións de pequeno formato en diversos puntos da cidade.*



Copia do documento - Concello de Vigo

Data impresión: 10/07/2020 11:19

Páxina 2 de 5

Expediente 8474/335

CSV: 22EBEB-83234D-A2D246-XNLH52-LV8QH-Q-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



*Coa fin de darlle una maior difusión ás actividades entre a cidadanía dende o Servizo de Festas impulsanse diferentes accións publicitarias canalizadas a través dos medios de comunicación social e en diversos soportes publicitarios.>>*

Non obstante este ano, dada a situación de emerxencia de saúde pública xerada pola expansión do coronavirus COVID-19 a nivel de pandemia internacional declarado pola Organización Mundial da Saúde (OMS) e a pesar da finalización do estado de alarma declarado por Real Decreto 463/2020, do 14 de marzo, razóns de protección da saúde pública aconsellan a non execución do programa Vigo en Festas tal e como se vén realizando todos os anos respecto das actuacións e espectáculos no auditorio de Castrelos.

O Real Decreto 555/2020, do 5 de xuño, polo que se prorroga o estado de alarma declarado polo Real decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada polo COVID-19, prevé, no seu artigo 5, que a superación de todas as fases previstas no Plan para a desescalada das medidas extraordinarias adoptadas para facer fronte á pandemia de COVID-19, determinará que queden sen efecto as medidas derivadas da declaración do estado de alarma nas correspondentes provincias, illas ou unidades territoriais. Ademais, conforme o artigo 6 do mesmo real decreto, serán as comunidades autónomas as que poidan decidir, aos efectos do artigo 5 e consonte a criterios sanitarios e epidemiolóxicos, a superación da fase III nas diferentes provincias, illas ou unidades territoriais da súa Comunidade e, polo tanto, a súa entrada na «nova normalidade».

Neste senso no DOG de data 13.06.2020 publicouse a Resolución do 12 de xuño de 2020, da Secretaría Xeral Técnica da Consellería de Sanidade, pola que se da publicidade do Acordo do Consello da Xunta de Galicia, do 12 de xuño de 2020 e modificada posteriormente por Resolución do 25 de xuño, que ten como obxecto, establecer as medidas de prevención necesarias para facer fronte á crise sanitaria ocasionada polo COVID-19, tras a superación da fase III do Plan para a transición cara a unha nova normalidade e ata o levantamento da declaración de situación de emerxencia sanitaria de interese galego efectuada polo Acordo do Consello da Xunta do 13 de marzo de 2020 co fin de buscar un equilibrio entre a necesaria protección da saúde pública e o incremento no número e intensidade das actividades que favoreza a recuperación da vida social e económica e concretamente a cláusula 2.11 establece medidas concretas respecto actuacións coros e agrupacións vocais, 2.12 orquestras, bandas e outras agrupacións musicais, 3.18 actividades recreativas e espectáculos públicos en recintos ao aire libre 3.35 establece medidas concretas respecto festas, verbenas e outros eventos populares.

E por isto que ante a situación actual o Servizo de Festas, coa finalidade de evitar a afluencia de persoas e garantir o distanciamento social entre o público asistente ás actividades que se programen e tamén atendendo a un principio de descentralización, elabora un programa deste ano que pretende realizar actividades en diferentes puntos do termo municipal (repartidos entre barrios da cidade e parroquias), conseguindo así unha maior dispersión física de públicos e un achegamento e disfrute das actividades a toda a cidadanía. Neste senso no Servizo de Festas, trala declaración da situación de alerta, achegáronse distintas propostas respecto de actuacións artísticas nacionais principalmente de carácter local, así como espectáculos musicais, de danza e teatro de pequeno formato, espectáculos adicados ao público infantil e familiar, actividades diversas de animación de rúa e actuacións folclóricas de todo tipo.

E por isto que a vista das distintas propostas presentadas e atendendo a situación actual e co fin de garantir un equilibrio entre a necesaria protección da saúde pública e o incremento no número e intensidade das actividades que dende o Servizo de Festas poidan favorecer a recuperación da vida social e económica emítese a seguinte **PROPOSTA DE PROGRAMACIÓN:**



Copia do documento - Concello de Vigo

Data impresión: 10/07/2020 11:19

Páxina 3 de 5

Expediente 8474/335

CSV: 22EBEB-83234D-A2D246-XNLH52-LV8QH-Q-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

## **1.- PROGRAMA “VIGO EN FESTAS 2020”.**

**Obxectivo:** O desenvolvemento, xestión, execución e seguimento dos diferentes programas e actividades festivas, socioculturais, lecer e tempo libre que garantan unha oferta sociocultural completa, de calidade, e contribúan á dinamización sociocultural. Este ano o programa implicase na xeneración de actividade creativa e cultural dos barrios co fin de achegar o acceso á cultura e ocio a toda a cidadanía e en todo o termo municipal mediante a creación do espazo escénico onde se desenvolverán as actuacións será en diversos escenarios nos barrios e parroquias e núcleo urbanos do Municipio de Vigo relacionados anteriormente nas condicións que determinen os protocolos COVID que a dito efecto disporá o servizo de Festas.

**Lugares:** Centro da cidade, barrios e parroquias do municipio, que este ano recollerán trinta e tres puntos distintos, todos eles ao aire libre, e que se detallan:

- 1) Beade (torreiro da festa), 2) Bembrive (pista deportiva), 3) Bouzas (praza da igrexa), 4) Cabral (praza da igrexa), 5) Calvario (rúa peonil xunto ao mercado), 6) Candeán (novo torreiro), 7) Casco vello (praza da Pedra), 8) Centro comercial Coia (xunto ao centro comercial Coia 4), 9) Coia (praza Mestre Don Prudencio Rodríguez), 10) Coruxo (xunto á pista de fútbol de Fragoselo) 11) Lavadores (torreiro da festa de Santa Cristina), 12) Matamá (torreiro da festa), 13) Náutico (avenida Montero Ríos, contorna da estación da ría), 14) Navia (zona verde do parque), 15) O Castro A (na contorna do monumento á Batalla de Rande), 16) O Castro B (rotonda superior do parque), 17) Parque de Castrelos (escenario pequeno), 18) Porta do Sol, 19) Praza da Estrela, 20) Praza da Independencia, 21) Praza da Miñoca, 22) Praza do Berbés, 23) Rosalía de Castro (entre as rúas República arxentina e Inés Pérez de Ceta), 24) Saiáns (pista deportiva), 25) Samil (pista de patinaxe), 26) San Andrés de Comesaña (torreiro da festa de Santo Andrés), 27) San Miguel de Oia (torreiro da festa de Nosa Señora dos Liñares), 28) San Roque (parque), 29) Sárdoma (palco do parque xunto á igrexa), 30) Teis (contorna do mercado), 31) Teis Riouxá (parque da Riouxá), 32) Valadares (torreiro de festa) e 33) Zamáns (torreiro da festa no parque forestal).

A organización e desenvolvemento de actividades nestes lugares conlevará o cumprimento dun protocolo de actuacións, conforme ás medidas indicadas pola Resolución de 12 de xuño de 2020, da Secretaría xeral técnica da Consellería de Sanidade (e polas súas posteriores modificacións).

**Público obxectivo:** Poboación en xeral, contendo actividades dirixidas a diferentes sectores de público infantil e familiar.

**Tarefas e accións:** O desenvolvemento do programa concrétase no deseño, difusión, execución e seguimento de diversas accións e actividades. En liñas xerais a programación inclúe as seguintes:

### **ACTIVIDADES DO PROGRAMA VIGO EN FESTAS.**

#### **1.1 - Actividades infantís por barrios, parroquias, centro da cidade e praias.**

O servizo programa para os mais pequenos diversos espectáculos de pequeno formato en distintos puntos da cidade coa fin de achegar alternativas de ocio e lecer. Estes eventos poden ter formato de concertos musicais, contacontos, música tradicional, teatro, maxia, recital, etc.

#### **1.2.- Festival de verán:**

O festival inclúe as distintas actividades.-

#### **1.2.1.- Concertos e espectáculos de pequeno formato en distintos puntos da cidade,**



Copia do documento - Concello de Vigo

Data impresión: 10/07/2020 11:19

Páxina 4 de 5

Expediente 8474/335

CSV: 22EBEB-83234D-A2D246-XNLH52-LV8QH-Q-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Desenvolverase mediante actuacións artísticas nacionais principalmente de carácter local de pequeno formato en distintos puntos da cidade, barrios e parroquias

**1.2.2.- Danza:**

Inclúe actuacións de artes escénicas e danza clásica, moderna, urbana e folclórico en distintos puntos da cidade de danza urbana.

**1.2.3.- Ciclo de Bandas de Música “As son das Festas de Vigo”.-**

Concertos de bandas de música en distintos puntos da cidade.

Polo exposto, previo informe xurídico, elévase á Xunta de Goberno local como órgano competente en virtude das competencias delegadas por Resolución da Alcaldía de data 18.06.2019 en materia de aprobación de programas municipais, a seguinte

**PROPOSTA:**

PRIMEIRO.- Aprobar a “PROPOSTA DO PROGRAMA VIGO EN FESTAS 2020”.

SEGUNDO.- Ordenar a súa publicación no “Portal de Transparencia” conforme o disposto no artigo 6.2 da Lei 19/2013, do 9 de decembro, de transparencia, acceso á información pública e bo goberno.

**Acordo**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,  
Abel Caballero Álvarez.



Copia do documento - Concello de Vigo	Data impresión: 10/07/2020 11:19	Páxina 5 de 5
Expediente 8474/335	CSV: 22EBEB-83234D-A2D246-XNLH52-LV8QH-Q-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		